

輿地紀勝

十

宋元地理志叢刊

(宋)王象之・撰

李勇先・校點

四川大學出版社



輿地紀勝

宋王象之撰

卷之四

卷之四



輿地紀勝

十

宋元地理志叢刊

(宋)王象之·撰

李勇先·校點



四川大學出版社

責任編輯:莊 劍 徐聞文 熊 志
責任校對:王大用 洪 滔 杜 偉 李文傑
責任印制:楊麗賢

圖書在版編目(CIP)數據

輿地紀勝校點 / (宋) 王象之原著; 李勇先校點.
成都: 四川大學出版社, 2005.10

(宋元地理志叢刊)

ISBN 7-5614-3250-X

I. 輿... II. ①王... ②李... III. 歷史地理-中國-宋代 IV. K928.644

中國版本圖書館 CIP 數據核字 (2005) 第 111031 號

書名 輿 地 紀 勝

作 者	[宋]王象之 原著 李勇先 校點
出 版	四川大學出版社
地 址	成都市一環路南一段 24 號 (610065)
發 行	四川大學出版社
印 刷	成都東江印務有限公司
成品尺寸	140 mm×202 mm
印 張	212.625
字 數	4100 千字
版 次	2005 年 10 月第 1 版
印 次	2005 年 10 月第 1 次印刷
定 價	980.00 圓(全十冊)

◆ 讀者郵購本書,請與本社發行科
聯系。電 話:85408408/85401670/
85408023 郵政編碼:610065

◆ 本社圖書如有印裝質量問題,請
寄回出版社調換。

版權所有◆侵權必究

◆ 網址: www.scupress.com.cn

輿地紀勝輯補卷第一

兩浙西路

臨安府原卷第一

【景物下】

綠君軒〔二〕，在昌化縣治。雍正《浙江通志》（以下簡稱《浙江通志》）卷三九古迹門引《紀勝》。又見《一統名勝志》（以下簡稱《名勝志》）杭州府引《紀勝》。

嘉興府原卷第三

【景物上】

六鶴〔三〕，在郡圃。太守鄧根所築。又有雪窗，下臨荷池，爲守徐藏建。《名勝志》嘉興府引《紀勝》。

【景物下】

金山城，在華亭縣南。《大清一統志》卷五八引《紀勝》。

安吉州原卷第四

【景物下】

廣惠寺〔三〕，在長興縣東九里，乃陳高祖故宅。光大初。建爲寺，號天居。宋改今名。《大清一統志》卷二二三引《紀勝》。

平江府原卷第五

【風俗形勝】

晉支遁〔四〕。《輿地紀勝》（以下簡稱《紀勝》）卷五平江府仙釋門晉支遁條下互注。

【景物上】

五湖者，蓋所納之湖有五也。《大典》卷二二六〇引《紀勝》。

太湖〔五〕，在吳縣南。《禹貢》謂之「震澤」，《周官》、《爾雅》謂之「具區」，《史記》、《國語》謂之「五湖」。《記纂淵海》卷九引《紀勝》。

劍池〔六〕，在長洲縣虎丘山。

胥門〔七〕，伍子胥家于此。後以諫死，命抉其目，垂於此門，觀越兵之入，因以爲名。

吳江〔八〕，源出太湖。一名松江，又名松陵江，又名笠澤。

昆山，在縣西北。陸機、陸雲生于此，時人比昆山出玉，因以名焉。

鶴市〔九〕，在閭闔門外。

魚城，在吳縣。

鷄陂，吳王養鷄之所。

鴨城，在吳縣。吳王養鴨之所。

狶巷，在吳縣東南。

蠡塘，在長洲界。

鹿湖，在吳縣下。

華山，在吳縣西。頂上有池，生千葉蓮花。並同右引。

【景物下】

林屋山，在太湖水中，爲第九大洞天。《記纂淵海》卷九引《紀勝》。

常州原卷第六

【景物上】

青城，《十道記》云：「縣有青城。」《大清一統志》卷六〇引《紀勝》。

【景物下】

待月嶺（二〇），在宜興縣天峰寺西。《永樂大典》（以下簡稱《大典》）卷二一九八〇引《紀勝》。

嚴州原卷第八

【景物上】

桂館（二一），在郡治瀟洒園池之西。《浙江通志》卷四九引《紀勝》。

【景物下】

瀟洒園，郡治，園之總會也。《浙江通志》卷四九引《紀勝》。

環翠亭（二二），在郡治千峰樹之東。

物外亭，在淳安縣南山上，林木陰翳。

孤高亭，郡城西山上，舊有孤高亭。並同右引。

江陰軍原卷第九

【景物上】

申港（二三），宋太守劉堂、漕臣姜銑建議濬申、利二港。《大清一統志》卷六〇引《紀勝》。

兩浙東路

紹興府原卷第十

【景物上】

孟村，在始寧。以孟嘗所居得名，仍多孟姓者。《大典》卷三五七九引《紀勝》。

【景物下】

堵如亭〔二四〕，即越王臺故址，王希呂建。《嘉泰會稽志》：「王信爲守，改名觀德。其西有桃溪、梅塢。」《浙江通志》卷四五引《紀勝》。

開元寺〔二五〕，修廟傑閣，冠絕他剎。正月望爲燈市，海外商賈皆集。《大清一統志》卷二二六引《紀勝》。

台州原卷第十二

【景物下】

節愛堂〔二六〕，舊名燕豫，淳熙四年，宋尤袤重建，改今名。《浙江通志》卷四六引《紀勝》。

藍光軒、趨稼軒，在仙居縣南峰。有南塔二軒，下瞰大溪。同右引。
華頂杖，天台山出華樹杖。雍正《浙江通志》卷一〇五引《紀勝》。

【古迹】

顧況宅〔二七〕，在臨海。況有《臨海所居》詩。《浙江通志》卷四六引《紀勝》。

温州原卷第十三

【景物上】

東山〔一八〕，一名海壇山，去子城西南二里。《記纂淵海》卷一〇引《紀勝》。

西山〔一九〕，去城三里，爲永嘉登覽之勝趣。

西湖，在州南一里。

南塘〔二〇〕，在雁山之南道。

龍潭〔二一〕，在瑞安東北。

雁池，在敬亭西。

象浦、鹿巖〔二二〕：在樂清。並同右引。

【景物下】

思遠樓，瞰會昌湖。《記纂淵海》卷一〇引《紀勝》。

敬亭山，在雁池之南。

雁南蕩〔三〕，在平陽縣北。

鳳凰巖，在平陽之鳳林鄉。

石馬巖，在瑞安之崇泰鄉。

石龜池，在榕城洞前。

白鶴山〔四〕，在樂清。有白鶴寺。

仙巖山，在瑞安東北。

仙壇山，在平陽東。

會昌湖〔五〕，在州西南。

飛霞洞，在積穀山。

明月洞，在平陽。

羅浮山，在州北八里。

華蓋山，在永嘉縣，爲第十八小洞天。

自應山以下潭有八，自玉女而下洞有九，在永嘉歸仁鄉。並同右引。

說法巖，宋陳覺嘗於峰下望見巖下一木如蓋，捫蘿至其所，見藤蔓纏繞一人，

其形如石，乃入定僧也，乃結菴於傍。居二月餘，僧欠伸張目，曰：「吾衣寄巖間，有虎守之，持吾錫杖以取。」覺往，虎見杖而去，持衣授僧，拜懇說法，山中鳥獸鬼神皆來聽受。《大清一統志》卷三三五引《紀勝》。

【人物】

皇朝王景山，發明景衡，作《儒志》一編，爲永嘉開山祖。《記纂淵海》卷一〇引《紀勝》。

林石，元豐間不爲《新經》，獨以《春秋》教授鄉里。

王公彥，元符末上書論司馬光無罪、中宮廢立事，禁錮二十餘年。

劉安節，與弟安上俱從伊川學。

戴述，與弟迅俱以文學稱，號「二戴」，又有戴溪，號「岷隱先生」。

陳侃，至孝，五世同居，詔表門閭。

陳鵬飛，字少南。林艾軒稱爲宇宙中第一輩。

王十朋〔二六〕，紹興掄魁。

陳傅良〔二七〕，號止齋先生。

蔡幼學（二八），弱冠于春魁，秋魁蘭宮。

葉適（二九），號水心先生。並同右引。

【碑記】

《僧元覺神道碑》，在永嘉縣之淨光先天寺。元葬於是山（三〇），有括州刺史李邕所作《神道碑》。岑建功輯《輿地紀勝補闕》（以下簡稱《補闕》）卷一。

《淨居尼元機圓明塔碑》，在永嘉縣之淨居尼禪寺。其碑先天中立。

《石室碑》，在永嘉縣應符鄉大羅山之石室（三一）。上有石夫人及古石，碑在天柱寺後。

《仙巖寺碑銘》，司空表聖文。

《海濤志》，《集古錄》云：「《海濤志》、《濤曆》、《濤日時》（三二）、《濤期》、《朔望體象》、《春秋仲月漲濤解》凡六篇，唐竇叔蒙撰。其說以月朏朧候濤汐之進退（三三），并《竇氏濤日時疏》一篇，孟簡撰。皆陶愆書（三四），朱巨題額（三五），不著刻石年月。在温州。」

《仙遊記》（三六），唐著作顧況《仙遊記》曰：「温州人李庭等大曆六年入山斫

船〔三七〕，迷不知路，逢見漈水。漈水者，東越方言以挂泉爲漈〔三八〕。中有人烟鷄犬之候，尋聲渡水，忽到一處，約在甌、閩之間，云古莽然之墟者〔三九〕，好田泉竹果藥〔四〇〕，連棟架險三百餘家〔四一〕，四面高山，迴環深映，有象耕雁耘，人甚知禮。野鳥名鵠，飛行似鶴。入人社中〔四二〕，惟祭得殺〔四三〕。無故不得殺，殺令地震〔四四〕。有一老人，爲衆所伏，容貌甚和，歲入數百匹布〔四五〕，以備寒暑〔四六〕。乍見外人，亦甚驚異。問所從來，袁晁賊平未〔四七〕，時政何若，具以實告。因曰：『願來就居，得否？』云：『此間地窄，不足以容。』爲致飲食，申以主敬。既而辦行〔四八〕，斫樹記道還家。及復前踪〔四九〕，群山萬首〔五〇〕，不可尋省〔五一〕。』

《永甯編》，陳謙所述。留元剛序云：「是編非取夫搜摭新故、誇詡形勝而已。事變之會，風俗之趨蓋將有考焉。觀《叙州》自晉以來守凡幾人，孰賢孰否；觀《叙人》自國朝以來作者幾人〔五二〕，孰先孰後。熙甯而後所易兵制善於古否，建炎而後所增賦稅安於民否〔五三〕，水利何爲而便，役法何爲而病，是非得失之迹，興廢沿革之由〔五四〕，安危理亂於是乎在一言去取，萬世取信。」

《雁宕序述》〔五五〕，《雁宕山序》云：「樂清縣雁宕諸山在焉，難以殫載。校書

郎章望之有記，郡丞謝升俊有圖，樂清縣丞洪藏有賦〔五六〕，記述模寫〔五七〕，皆極形容之精〔五八〕，然猶有未盡，薛寺正季宣復爲賦以備足之。〕並同右引。